

Bosna i Hercegovina
Federacija Bosne i Hercegovine
Unsko-sanski kanton
OPĆINA VELIKA KLADUŠA



Bosnia and Herzegovina
Federation of Bosnia and Herzegovina
Una-Sana canton
Municipality of Velika Kladuša

OPĆINSKI NAČELNIK

MAYOR OF MUNICIPALITY

Broj: 02-38-~~2307~~/17

Velika Kladuša, 07.09.2017. godine

O B A V I J E S T

Obaviještavaju se roditelji i učenici osnovnih i srednjih škola sa područja općine Velika Kladuša da je od početka ove školske godine u primjeni Odluka o kriterijima, uslovima i načinu ostvarivanja prava na subvencioniranje troškova prijevoza redovnih učenika osnovnih i srednjih škola, koju je Općinsko vijeće usvojilo na svojoj IX redovnoj sjednici, održanoj 13.07.2017. godine.

Ovom Odlukom je u cjelosti na drugačiji način uređeno pitanje finansiranja prijevoza učenika. Umjesto dosadašnjeg finansiranja i sufinansiranja prijevoza učenika, prelazi se na sistem subvencioniranja troškova prijevoza. Pojednostavljeno to znači da će roditelji učenika osnovnih i srednjih škola moći ostvariti pravo na subvenciju troškova prijevoza za svoje dijete na kraju mjeseca za koji su kupili učeniku mjesečnu kartu, ako ispunjavaju uvjete iz Odluka o kriterijima, uslovima i načinu ostvarivanja prava na subvencioniranje troškova prijevoza redovnih učenika osnovnih i srednjih škola.

Subvencija troškova prijevoza će se uplaćivati, u tekućem mjesecu za prethodni mjesec, na račune roditelja ili staratelja otvorene kod jedne od poslovnih banaka, što podrazumjeva da roditelj ili staratelj djeteta mora imati otvoren račun u banci da bi mogao dobiti subvenciju.

Subvencija prijevoza učenika osnovnih škola

Pravo na subvenciju imaju roditelji (stratelji) učenika koji su kupili mjesečnu kartu za učenika u redovnom autobusnom prijevozu, uz uslov da učenik putuje u najbližu osnovnu školu, koja je udaljena od mjesta stanovanja manje od 5 kilometara, a dužina relacije na kojoj učenik koristi prijevoz je veća od dva kilometra.

Sve informacije o načinu ostvarivanja subvencije troškova prijevoza učenika, učenici i njihovi roditelji mogu dobiti u osnovnoj školi koju učenik pohađa. Osnovne škole će provesti proceduru propisanu Odlukom, tako da učenici, kao ni njihovi roditelji nemaju potrebu dolaziti u Općinu radi ostvarivanja prava na subvenciju.

Iznos mjesečne subvencije za učenike osnovnih škola zavisi od dužine relacije na kojoj učenik putuje i kreće se od 18,00 KM do 22,00 KM za učenike koji putuju u oba smjera

Subvencija prijevoza učenika srednjih škola

Od ove školske godine, u odnosu na prethodne godine kada je sufinansirano 50% troškova prijevoza, proširena je lista učenika srednjih škola koji imaju pravo na subvenciju. Novina je također i različiti iznos subvencije za iste relacije, zavisno od socijalne kategorije kojoj određeni učenik pripada.

Donošenjem ovih mjera povećan je broj učenika srednjih škola kojima će biti subvencioniran prijevoz i stvoreni su preduvjeti da prijevoz učenika ne bude razlog da pojedini učenici ne pohađaju srednju školu.

Visina subvencije za učenike srednjih škola zavisi od socijalne kategorije kojoj određeni učenik pripada i dužine relacije na kojoj učenik putuje.

Da bi roditelj ili staratelj učenika ostvario pravo na subvenciju za učenika srednje škole moraju biti ispunjeni salijedeći uvjeti propisani Odlukom:

1. Učenik mora imati prebivalište i pohađati srednju školu na području općine Velika Kladuša;
2. Učenik mora svakodnevno putovati javnim prijevozom na relacijama dužim od dva kilometra i
3. Učenik mora pripadati jednoj od tri socijalne kategorije:
 - a) **prva socijalna kategorija** (učenik bez oba roditelja, učenik bez roditeljskog staranja, učenik sa tjelesnim oštećenjem i učenik iz porodice iz koje tri ili više učenika pohađa srednju školu);
 - b) **druga socijalna kategorija** (učenik čiji je jedan ili oba roditelja invalid(i) najmanje 80%, učenik iz porodice koja je korisnik stalne novčane pomoći Centra za socijalni rad, učenik iz porodice koja nema nikakva primanja, učenik iz porodice iz koje dva učenika pohađaju srednju školu i učenik bez jednog roditelja) i
 - c) **treća socijalna kategorija** (učenik iz porodice koja se izdržava od minimalne penzije i učenik iz porodice u kojoj je mjesečni prihod po članu domaćinstva manji od 150,00 KM).

Visina subvencije je određena u procentu od prosječne ugovorene cijene mjesečne karte za prijevoz učenika u periodu januar-juni 2017. godine. Za prvu socijalnu kategoriju subvencija iznosi 100%, za drugu 75%, a za treću socijalnu kategoriju 50% od prosječne ugovorene cijene prijevoza u periodu januar-juni 2017. godine.

Subvencija za prvu kategoriju iznosi od 18,00 KM do 70,00 KM, za drugu socijalnu kategoriju mjesečna subvencija je od 16,50 KM do 52,50 KM, dok je za treću socijalnu kategoriju subvencija jednaka ½ subvencije za prvu kategoriju i iznosi od 9,00 KM do 35,00 KM. Članom 15. Odluke Općinskog vijeća definirani su pojedinačni iznosi subvencije za svaku relaciju po socijalnim kategorijama.

Odluku o subvenciji donosi Općinski načelnik za sve kandidate koji ispune uvjete iz Odluke o kriterijima, uslovima i načinu ostvarivanja prava na subvencioniranje troškova prijevoza redovnih učenika osnovnih i srednjih škola, a na osnovu Zahtjeva za subvencioniranje troškova prijevoza za školsku 2017/18. godinu i propisane dokumentacije, po proceduri propisanoj Odlukom.

Zahtjevi za subvencioniranje troškova prijevoza za školsku 2017/18. godinu sa propisanom dokumentacijom se predaju na šalteru broj: 2 u Općini u periodu od 1. do 30. septembra i nakon isteka tog roka neće se moći aplicirati za subvencioniranje troškova prijevoza učenika srednjih škola.

Obrazac Zahtjeva za subvencioniranje troškova prijevoza za školsku 2017/18. godinu i popis potrebnih dokumenata za ostvarivanja prava na subvenciju učenici mogu dobiti u srednjoj školi koju pohađaju, a Zahtjev podnosi isključivo roditelj ili staratelj, na čiji račun će se vršiti uplata subvencije.

Za sve dodatne informacije učenici i njihovi roditelji se mogu obratiti u školu koju pohađaju ili u Službu za društvene djelatnosti.

Obradio:
Senad Okanović



Općinski načelnik
Fikret Abdić, dipl.ing.

24